



錦繡萬花谷後集卷之十三

知縣

雙鳧王喬為葉令顯宗時每自縣詣臺其臨至輒有雙鳧從東南飛來

放囚如期而還虞延洛陽令每至歲時伏臘輒放遣囚繫歸家並感恩德如期而還並本傳

河陽一縣花潘岳為河陽令縣樹桃李花人號曰河陽一縣花晉書

書日垂簾顧凱之為山陰令邑三萬戶凱之御繁以約書日垂簾門堦閑寂自宋世為山陰務簡而事理莫能

尚也晉史

不行鞭罰裴子野出為諸暨令在縣不行鞭罰民有爭

者示之以理

不如一丘丘仲孚為山陰令甚有聲百姓謠曰二傅沈劉不如一丘前世傅琰父子沈憲劉元明相繼宰山陰並有政聲仲孚皆過之

慈君北涼張潭為和寧令百姓愛之如父母號曰慈君**白鳥甘露**後趙申錄為廣昌令白鳥巢其庭樹甘露降其聽事後為三公

置水投書孔翊為洛陽令置水庭前得囑託書皆投水中一無所發並職源

慈父唐房謙為長葛令甚有惠化百姓號為慈父治為天下第一超授郟州司馬吏民泣相語曰房明府今去吾屬何以生為百姓思之立碑頌德

社稷器蜀蔣琬廣都長衆事不治諸葛亮曰琬社稷之器非百里才也

獸皆南渡劉平為全椒長五日一聽事先時多獸每為人害平視事三日獸皆南渡

蝗不入茂陵陽球為茂陵令寬和多惠以至誠接下為民所愛比縣連歲蝗災不入茂陵○又李孟元為盧氏令務行德化時境悉蝗獨不入盧氏並分紀

就縣賜章服王正雅為萬年令穆宗時京兆號為難理正雅抑強扶弱政甚有聲會柳公綽為京兆尹上前褒稱穆宗命以緋衣銀章就縣賜之職林

元魯山元德秀字紫芝為魯山令誠信化人士夫高其行語之云元魯山唐史

穎川四長穎川四長並以仁信篤誠使人不欺語荀淑為當塗長韓韶為瀛長陳寔為太丘長鐘皓為林慮長淑等皆穎川中人也循吏傳

對詔居第一開元初韋濟調郟城令既衆謝有詔問所以安人者對凡二百人惟濟居第一不能對者免官

三年無囚何易于為益昌令刺史崔朴泛舟易于身引舟凡鬪民在庭易于曉指杖遣之不以付吏獄三年無囚本傳

惠如春風李白為馬昌宰韓仲卿去思碑云未下車人懼之既下車人悅之惠如春風三月大化姦吏束手豪宗側耳

璽書獎飭玄宗時採訪使回以陸渾及諸道二十六縣

孝祥等政常循良帝皆降璽書獎飭明年縣令數十辭赴職帝自制令長新誠以諭之仍於廟堂賜宴以遣之其愛民揀吏如此也

終日清談王衍字夷甫為元成令終日清談縣務亦理刻石劉宴為溫令有惠利可紀民皆刻石以傳

置祠狄仁傑字懷英彭澤令人為立生祠

齋馬唐馮元淑歷浚儀始平二縣車騎赴職未嘗以妻子之官所乘馬不與芻云令作齋馬

冰清玉白晉江革襄邑令傅渾頌曰明府君侯臨下有赫克隆有光惠我咫尺乃冰其清乃玉其白風抗其高雲垂其澤君有遺愛民有餘思

水清衡平葉康直知光化縣豐稷為穀城令人歌之曰

葉光化豐穀城清如水平如衡本傳

讀五車書吳靖為長沙令一日自嘆曰讀五車書辛苦十年不得綴鴛鴦班髮白蹤跡飄零為百里陶元亮復何人邪

削木為牘燕肅知臨邛縣民苦吏追擾削木為牘民公事有連逮者書其姓名使召之如期而至續通鑑

詩聞宰江陽邑剪棘樹蘭芳城門何肅穆五月飛秋霜李東陽本是佳山水何況曾經沈隱侯化得邦人解吟詠如今縣令亦風流新開潭洞疑仙境遠寫丹青到雍州落在尋常畫工手猶能三伏凜生秋劉禹衡山雖小

邑首唱恢大義因見縣尹心根源舊官閱南紀改波瀾西河共風味韋連城寶為重茂宰得才新山雉紀舟楫

江花報邑人白水過庭激綠槐夾門植文選懷來時人

指拙為謀出手方知刃解牛有病黃堂懷藥問丐歸紫

橐列街留陶潛一縣令獨飲仍獨醒猶將公田二頃

五十畝種秫作酒不種秫東坡古縣蕭條秋景晚昔年陶

令亦如君頭巾漉酒臨黃菊手板支頤向白雲百里豈

能容驥足九霄終自別雞群相思不恨書來少佳句多

從闕下聞籬邑事多商摧惟詩未暇論母慈催扇枕父

老欲攀轅口三年非一事知盡愛人心滿任添新髮還

家帶舊琴鵲聲先棹去柳色到都深即日應冠豸憑共

記得沉紫茲邑猶淳古君行作長官假令三尺密終有

一分寬粟里歸差易桐鄉愛極難千峯青遠郭暇日想

憑欄南岳

縣丞

通判縣事 隋及大唐縣丞各一人通判縣事 通典

長史 縣丞長史也百官表縣司戶以上為令皆有丞尉秩四百石至二百石是為長史 漢書景紀

簽書文檄 元符詔縣丞簿尉日赴長官廳議事及簽書文檄

述六職 柳子厚武功縣丞壁記曰丞之位八品以下述六職以輔其治也

令囚歸耕 唐臨為萬泉丞縣有輕囚數十人會春暮時雨臨白令請出之令不許臨曰明公若有所疑臨請自當其罪令囚請假召囚悉令歸家耕種與之約令歸繫所囚等皆感恩義至時畢集詣獄臨由是知名 唐書

稱雨道晴 裴子雨為下邳令張晴為縣丞二人俱有聲

氣而善言語曾論事移時人私切相語曰縣官甚不和長官稱雨贊府道晴終日如此不和也 南部新書

仕宦無休勢 唐宋安恭為龍門丞年已五十八數年而登列岳每語僚屬曰公輩但守清白何憂不遷俗云雙陸無休勢余以為仕宦亦無休勢各宜勉之

閑官不領公事 大中四年勅州有上佐縣有丞簿俗謂閑官不領公事殊乖制作之本意 續通典

簡靖 柳文武功丞壁記曰潁川陳南仲居是官邑人宜之號為簡靖夫以武功疆理之大人徒之多而陳生以簡靖處其理斯固難矣

邑事無所不當 閻藍田縣丞壁記丞之職所以貳令於

一邑無所不當問

主簿

主簿簿目 主簿謂主諸簿目 通典

短主簿 王恂為桓涅主簿人曰短主簿

後來之英 徐浩張說稱其才由魯山主簿薦為集賢校理見喜雨五色鵠賦嗟曰後來之英也

主簿並為相 盧邁自河南簿為補闕鄭餘慶自汜水簿為察院趙宗儒自陸渾簿為右拾遺三主簿並為宰相 職源

矮屋不堪擡頭 張彖登科為華陰簿而為守令所仰歎曰丈夫有凌雲蓋世之志而拘於下位若立身矮屋之下使人擡頭不得乃棄官而去 天寶遺事

鬚鬚之職 外史禱杙王建僭蜀李景上封事以為眉山

主簿制曰旌其忠藎之心委以鬚鬚之職 注云崔豹古職今注羊名鬚

鬚主簿

移文驅虎顧少連字夷仲為登封主簿邑有虎孽民患之少連命塞陷窅移文岳神虎不為害 職源

簿領中有是人 吳擇仁字智夫為開封雍丘主簿元祐中金水河堤壞十六縣皆選屬他役得詣朝堂白事宰相范純仁獨異之曰簿領中乃有是人

有公輔器 張昇字杲卿為楚丘主簿南京留守王曾謂其有公輔器 並四朝國史

口記物色無差 顏春卿調群浦主簿嘗送徒於州亡其籍至廷口記物色凡千人無所差長史陸象先異之

通管縣事熙寧三年提舉王廣淵言一縣之事惟令佐三員而主簿尉所職各異苟有謬誤所職者坐視其弊而莫得禁止欲令主簿管稽簿書尉專管督盜依舊外縣事並令通管從之

詩舍弟卑棲邑防川領簿曹○倚賴天涯釣猶能掣巨鰲杜昔時陶令彈琴縣今日君為主簿官地勝不嫌清俸薄政公還得衆人歡江分九派潮常到嶽沓千峯夏亦寒閑客散遊來未得畫成圖軸乞予看田翁虛寄彭澤主簿

縣尉

五百空手行嚴安之崔譚俱爲赤尉安之令五百執大杖譚益大其狀如掾安之復令執小杖譚益小其狀至如筋安之令五百空手行乃不能學見問記

單言判獄李程字表臣爲藍田尉有滯獄十年程單言輒判京兆狀最遷監察御史

上寶劍篇郭震字元振初爲通泉尉任俠使氣撥去小節百姓厭苦武后欲詰與語奇之索所爲文章上寶劍篇后覽嘉歎詔示學士李嶠等即授鎧曹參軍

聰明尉盧莊道十六擢第爲河北尉太宗謂聰明小兒雍丘尉魏奉古一覽千餘言時謂聰明尉

擒姦摘伏李勉爲開封尉與縣尉盧城軌並有擒姦摘伏之名

首該賞典乾德元年以大名府元城縣尉張義元爲本縣令賞捕盜之功也天下縣尉久廢是歲復置義元首該賞典以激勸之

清水明鑑河北尉馮履清水見底明鑑照心

摧姦扶隱李勉始調開封尉汴水陸一都會號難治勉
摧姦扶隱有名

台輔之器婁師德補江都尉揚州長史盧承業奇其才
謂曰吾子台輔之器當以子孫相託何可以官屬常禮
待也

吏能第一劉延祐補渭南尉有吏能治第一李勣戒之
曰子春秋少而有美名宜稍自抑無為出人上

召為翰林白居易調整屋尉為集賢校理月中召入為

翰林學士並職源

處賤官有憂天下心寶元初有明州慈溪尉裴明允個
儻不群雖處賤官有憂天下之心屢上書言事後又詣

闕上書云漢成帝時梅福為南昌尉屢從縣道上書言
災異事求假即傳詣行所在

少府李白贈瑕丘王少府別西河劉少府贈秋浦柳少
府杜甫貽華陽柳少府如此則當是唐時縣尉多稱少

府也類要

材吏嚴挺之名浚調義興尉號材吏

彈琴蒔藥趙元亮自貞固少負志略好論辯武后稱制
懼不容其高調宜祿尉到職非公事不言彈琴蒔藥如
隱者之操自傷位不配才

廐目一覽魏奉古授雍丘尉嘗九日公燕有客草序五
百言奉古曰此舊文援筆倒疏之草序者默然自失列
座撫掌奉古徐笑曰適覽記之非舊習也由是知名時

珽涖汴州召奉古前曰此聰明府帥他日持旆目今示奉古一覽便諷千餘言珽驚曰仕宦四十年未嘗見此不言人非李白為李錫元勳去思碑云初拜壽光尉心不掛細務口不言人非群吏罕測望風敬憚

詩仙尉趙家玉英風凌四豪維舟至長蘆自送煙雲高
搖扇對酒樓持袂滿蟹螯李隱吏逢梅福遊山憶謝公
黼皎皎鸞鳳姿飄飄神仙氣梅生亦何為來作南昌尉
清風佐鳴琴寂寞道為貴時西尉鬱相望東西百步塲
插旗蒲柳市伐鼓水雲鄉已作觀魚檻仍開射鴨堂東坡

錦繡萬花谷後集卷之十三

錦繡萬花谷後集卷之十四

將帥

聳劔元戎唐大詔令張延師冊執驕霸府盡忠肅之勤誠聳劔元戎整旌麾之茂績

玉帳金壇唐大詔令折衝之寄符玉帳而總金壇

御札授方畧國朝淳化以參政趙昌言為川陝西路兵馬都總管太宗以蜀寇尚有殘孽命昌言安撫招討仍御札數幅叮嚀授以方畧

賜黃金一器天聖七年劉平授忻州團練使屬上封事言趙元昊連姻助律必為邊患授邠寧環慶副都總管遣中使賜黃金一器

冒矢石不顧身張士貴正觀中為龔州道行軍總管太

宗以其冒矢石先登勞之曰嘗聞以忠報國者不顧身於公見之

帝為賦詩祖道張仁愿為朔方軍總管春還朝秋復督軍備邊帝為賦詩祖道賞賚不貲

第人材為三等元豐王祖道言陝西河北京東府畧將皆朝廷所選擇尚多庸人其餘淮浙等路雖有團治訓

練之名而無教閱按試之實望密下諸路經畧司體量將副第人材為三等職畧

甲第何營楊盈川碑匈奴未滅甲第何營壯士不還寒風自起

鐵虎蔡祐與齊戰被明光甲所向無敵齊人謂之鐵虎職源

黃駒少年裴果常乘駒黃馬白袍先陷陣時號黃駒少年

飛將呂布字奉先便弓馬膂力過人號為飛將

佩四將印王忠嗣有武畧佩四將印為隴西節度上平戎十八策

卯受命辰行高崇文為長城使奉詔征劉闢御軍常若寇至卯受命而辰行

先鋒白衣薛仁貴從征遼東恃驍勇乃異其服色着白衣太宗遙見之問先鋒白衣者為誰特引見賜馬綸喜得彪將

將門有將楊元感求領兵煬帝曰相門必有相將門必有將

擊賊作露布傳奕字修期拜安遠將軍帝嘆曰上馬能擊賊下馬作露布

一身都是膽蜀趙雲字子龍軍中號雲為一身都是膽紅抹額婁師德字宗臣武后時慕猛士討吐蕃乃自奮戴紅抹額來應詔後與虜戰八遇八克

以少擊衆馬璘以百騎破賊五千光弼曰吾未見以少擊衆如馬將軍者

著翅人後周韓果破稽胡散其種落稽胡號為著翅人文帝曰著翅之名寧減飛將本傳

地上虎北齊高昂字敖曹兵趨商洛祭河伯曰河伯水中之神高敖曹地上之虎行經所居故相沃醑

一瓜與將士共北齊蘭陵王長恭為將每得一瓜必與

將士共之

鶻入鷓群文宣謂高思好曰汝擊賊如鶻入鷓群

休止不結營後漢耿秉伯初擊匈奴封美陽侯簡易於事休止不結營部然斥堠有警急軍陣立成

殺妻明不與齊吳起為魯將齊攻魯起妻齊女魯疑之起就其召乃殺妻明不與齊也

得卿不東慮李希烈陷汝州詔拜哥舒曜東都汝州行營節度使帝召見問曰卿治兵孰與父賢對曰先臣安

敢比但斬長蛇殪封豕然後待罪私室臣之願也帝曰爾父在開元時朝廷無憂今朕得卿亦不東慮本傳

臨軒授鉞渾瑊為奉天行營副元帥帝臨軒授鉞用漢拜韓信故事制曰寇賊干紀授爾節鉞以戡多難往欽

哉城頓首曰敢不畢力以對揚天子休命乃率諸軍趨

京師

勤政樓受命高仙芝安祿山反榮王為元帥仙芝副之
領飛騎曠騎及朔方等兵出禁財募關輔士繼封常清
東討帝御勤政樓引榮王受命宴仙芝以下帝又幸望
春亭勞遣

詩三十年前學六韜英名常得預時髦曾因國難披金
甲不為家貧賣寶刀臂健尚嫌弓力軟眼明猶識陣雲
高庭前昨夜秋風起羞着團花舊戰袍曹翰我愛李侍
中標標七尺長白羽八札弓陛壓綠檀槍風前略橫陣
紫髯分兩傍淮西萬虎士怒目不敢當杜牧洗劍青海外
刻石天山中杜甫虜障天驕起秦城地脉分鋒刃奔濤色

旌旗燭火文○五原烽火急六郡羽書催將軍朝授鉞

壯士夜銜枚沈佺期萬里赴戎機關山度若飛朔氣傳金

拆寒光照鐵衣前人平生弓箭自相隨剛被郎官遣作詩

江南花柳從君詠塞北風煙我自知王侍中天為國家

孕英才森森劍戟摧靈臺浩蕩深謀噴江海縱橫逸氣

走風雷李白贈哥舒翰今代麒麟閣何人第一功開府當朝傑

論兵邁古風清海無傳箭天山早掛弓胡人愁逐北苑

馬又從東勲業青冥上交親氣槩中○軍事留孫楚行

間識呂蒙防身一長劍將欲倚崆峒○殊方又喜故人

來重鎮還須濟世才常恠偏裨終日待不知旌節隔年

回欲辭巴檄啼鶯合遠下荆門去鷓鴣催身老時危思會

面一生懷抱向誰開並杜防秋戎馬恐來奔詔發將軍

入鴈門遙領短兵登隴首獨橫長劔向河源悠揚落日
黃雲動莽蒼陰風白草翻若縱干戈更深入應聞收拾
到崑崙送邊將李顯白首羽林郎丁年成朔方陰天瞻磧路
秋日渡遼陽○大漠寒山黑孤城夜月黃十年依葦食
萬里帶金瘡拂露陳師祭衝風立教場箭飛瓊羽合旗
動火雲張虎翼分營勢魚鱗擁陣行功成封寵將力盡
到貧鄉雀老方悲海鷹衰却念霜空餘孤劔在開匣一
霑裳揚巨源老將昨釋兵符歸故里耳聽兵事幾番新偶曰
麾下來猶識欲說遼陽記不真兒覓寶刀堅愛惜奴吹
蘆管怨悲辛夜來忽作關山夢萬一君王起舊人南漢
家三十六將軍東方雷動橫陣雲當街一叱百吏走馮
敬曾中函七首兇徒側耳潛格心悍臣破膽皆吐口柳

厚塞外衝沙損眼明特來養病住京城上高樓閣看星
坐著白衣裳把劔行常說老身思鬪將最悲無力制蕃
營翠眉紅頰和回鶻惆悵中原不用兵長安退將項斯昨夜陰
山吼賊風帳中驚起紫髯翁平明不待全師出連把金
鞭打鐵驄詩朝進東門營暮上河陽橋落日照大旗馬
鳴風蕭蕭平沙列萬幕部伍各見招借問大將誰恐是
霍嫖姚杜甫送腰間羽箭久凋零太息燕然未勒銘老
子猶堪絕大漠諸君何至泣新亭一身報國有萬死雙
鬢向人無再青記取江湖泊船處臥聞新鴈落寒汀○
羌胡忘覆育師旅備非常南服更旄節中軍鑄印章○
白髮將軍亦壯哉西京昨夜捷書來胡兒敢作千年計
天意寧知一日回○大將上兵符軍容備掃除共惟陛

下聖方采直臣書○羽檄聯翩晝夜馳臣憂顧不在邊
陲軍容地密寧當議陛下恩深不忍欺○北風吹急雪
夜半埋氈廬將軍八千騎萬里逐單于○漢家如天臣
萬邦歡呼動地單于降鈴聲南來金閃爍赦書已報經
沙漠並放翁

儒將

手不釋卷魯肅為將手不釋卷吳志

涉獵見往事孫權謂呂蒙蔣欽曰宜學問自開益蒙曰
軍中日苦多務不及讀書權曰孤豈用卿治經為博士
耶但令涉獵見往事爾蒙始就學所覽見舊儒不及
軍中嘗儒服五代謝彥章為將好禮儒士雖居軍中嘗
儒服

據床密料擊虜郝處俊好學嗜漢書第進士累遷吏部
侍郎高麗叛詔李勣為大總管處俊副之師入虜境未
陣賊遽至舉軍危駭處俊據胡床體胖安餐乾糲不顧
密料精銳擊之虜卻眾壯其謀

元帥說禮樂楚子及諸侯圍宋宋公孫固如晉告急於
是乎蒐于被廬作三軍謀元帥趙衰曰卻縠可臣亟聞
其言矣說禮樂而敦詩書詩書義之府也禮樂德之則
也德義利之本也君其試之乃使卻縠將中軍左傳

修史即軍中論議張說授并州長史兼天兵軍大使修
國史勅齊藁即軍中論議

儒士知軍情柳渾字夷曠渾瑊與吐蕃會平涼代宗語
大臣以和戎息師之便馬燧賀曰已盟可百年無患柳

渾跪曰夷狄人面獸心易以兵制難以信結臣切憂之
帝變色曰渾儒生未達邊事夜半邠寧節度使韓游瓌
飛奏吐蕃劫盟將校皆覆沒帝大驚卽以其表示渾明
日慰之曰卿儒士乃知軍戎萬里情乎益禮異之

老將

顧屬老臣趙充國字翁孫年七十餘上老之丙吉問誰
可將者充國曰亡踰於老臣上遣問曰將軍度羌虜何
如充國曰百聞不如一見兵難豫度臣願馳至金城圖
上方略然羌戎小夷逆天背畔滅亡不久願陛下以屬
老臣勿以為憂並本傳

嬰鑠是翁馬援年六十二請擊武陵五溪蠻夷光武愍
其老未許之援曰臣尚能被甲上馬帝令試之援據鞍

顧盼以示可用帝笑曰嬰鑠哉是翁也後漢本傳

尚堪一行李靖字藥師吐谷渾寇邊太宗謂侍臣曰李
靖能復起為帥乎靖往見房元齡曰吾雖老尚堪一行
帝喜以為西海道行軍大總管唐本傳

軍旅

五家兵齊桓既得管仲修齊國政連五家之兵國語曰

國五家為軌十軌為里四里為連十連為鄉以為軍令

鷄毛系檄漢高祖曰吾以羽檄召天下應劭曰以鷄毛

系檄

懸狐尾吐蕃以累世戰沒為甲門臨陣奔北者懸狐尾
於其首以表狐之性怯

罷二十萬還農唐故時邊鎮兵羸六十萬張說以時平

無所事請罷二十萬還農天下以爲疑說曰邊兵雖廣諸將自衛營私爾所以制敵不在衆也以陛下之明四夷畏威不慮減兵而招寇臣請以闔門百指爲保帝乃可

娘子軍平陽昭公主下嫁柴紹帝渡河紹以數百騎並南山來迎主引精兵萬人與秦王會渭北紹及主對置幕府分定京師號娘子軍

願充一卒効力王事李邕貶遵化尉妻温復爲邕請戍邊自贖曰妾願使邕得充一卒効力王事膏塗朔邊骨糞沙壤成邕夙心表入不省

鴉兒高仁厚初事劍南西川節度使陳敬瑄行營使黃巢陷京師天子出居成都敬瑄遣黃頭軍部將李鋌輩

成以兵萬五千屯興平數敗巢軍賊號蜀兵爲鴉兒每戰輒戒曰毋與鴉兒鬪敬瑄喜其兵可用益選卒二千使仁厚將而東

衛兵皆長安高貲帝餞田令孜章信門賚遺豐優然衛兵皆長安高貲世籍兩軍得廩賜侈服怒馬以詫權豪初不知戰聞科選皆哀哭千家陰出貲雇販區病坊以備行陣不能持兵觀者寒毛以慄

黃巢傳

精騎練卒代朔邠靈之騎士自昔之精騎也上黨盟津之步卒當今之練卒也悉此強勁委之山東勢分於將多財強於兵廣

陸贄奏議

奇謀

彈胡琵琶使二女子舞吐谷渾党項寇邊敕柴紹討之

虜據高射紹軍雨矢士失色紹安坐遣人彈胡琵琶使
二女子舞虜疑之休射觀紹俟其懈以精騎從後掩擊
虜大潰斬首五百級

本傳

士夜艾而入李希烈據汴滑副都統劉洽率曲環李克
信軍十餘萬戰白塔不利夜入宋州時洽將高彥昭劉
昌共嬰壘分守其屬作書言城且危彥昭視曰君輕我
耶取紙自爲書洽得書喜曰健將在西吾何憂選士八
百夜艾而入賊不知詰旦傳城士奮出希烈大敗

置酒城上張守珪爲瓜州刺史墨離軍使督衆完故城
版築方立虜奄至衆失色守珪曰瘡痍之餘詎可矢石
相確湏權以勝之遂置酒城上會諸將作樂虜疑有備
不敢攻引去守珪縱兵擊敗之

雪夜入蔡城張柴殲其戍勅士少休益治鞍鎧發刃鼓
弓會大雨雪天晦凜風偃旗裂膚馬皆縮慄士抱戈凍
死于道張柴之東坡澤阻奧衆未嘗蹈也皆謂投不測
始發吏請所向愬曰入蔡州取吳元濟士失色監軍使
者泣曰果落祐計然業從愬人人不敢自爲計愬道分
輕兵斷橋以絕洄曲道又以兵絕朗山道行七十里夜
半至懸瓠城雪甚城旁皆鵝鷺池愬令擊之以亂軍聲
賊恃吳房朗山戍晏然無知者祐等坎墉先登衆從之
殺門者發關留持柝傳夜自如黎明雪止愬入駐元濟
外宅

六帖

拔幟勝趙韓信拔趙選輕騎二千人人持一赤幟戒曰
趙見我走必空壁逐我若疾入拔趙旗幟立漢幟令其

裨將傳餐曰今日破趙會食諸將皆嘽然陽應曰諾乃使萬人先行出背水陣趙兵望見大笑平旦信建大將旗鼓行出井陘口趙開壁逐之大戰良久信耳棄鼓旗走水上軍軍皆殊死戰不可敗信所出奇兵候趙壁卽馳入立漢赤幟二千趙軍已不能得信耳欲還歸壁壁皆漢赤幟遂亂遁走於是漢兵夾擊破虜趙軍斬成安君泚水上禽趙王歇發趙兵未發者擊齊信引兵東聞漢王使酈食其已說下齊遂度河襲歷下軍至臨菑齊王走高密使使於楚請救楚使龍且將號稱二十萬或說且曰漢兵遠鬪窮寇久戰鋒不可當齊楚自居其地戰兵易敗散龍且曰吾平生知信爲人易與耳寄食於漂毋無資身之策受辱於跨下無兼人之勇不足畏

也遂戰與信夾維水陣信乃夜令人爲萬餘囊盛沙以壅水上流引兵半度陽不勝還走龍且果喜曰固知信怯遂追度水信使人決壅囊水大至龍且軍大半不得度卽急擊殺龍且遂平齊

野次降二將上元元年進圍懷州思明來救光弼再逐

北思明聲渡河絕餉路光弼壁野水渡旣夕還軍留雍希顥守曰賊將高暉李日越萬人敵也賊必使劫我爾留此賊至勿與戰若降與偕來是日思明果召日越曰光弼野次爾以鐵騎五百夜取之不然無歸日越至壘使人問曰太尉在乎曰去矣兵幾何曰千人將爲誰曰雍希顥日越謂其下曰我受命云何今失李光弼得希顥而歸吾死必矣不如降也遂請降希顥與之俱見光

弼光弼厚待之高暉聞亦降或問公降二將何易也光弼曰思明再敗恨不野戰命將來襲必許以死日越懼死不降何待高暉材出日越之右降者見遇貳者得不思奮乎諸軍決丹水灌懷州未下光弼令廷玉由地道入登陴乘城禽太清送京師獻俘太廟本傳

偃旗仆鼓泚山塹溪高宗時劇盜數起閩中荆湖震擾朝廷爲出禁旅遣辛全宗討之師老不能平福帥程邁監司侯慤等力請改命將帥章四十三上太上乃除韓忠武王福建江西荆湖南北路宣撫副參政孟庚以行賊范汝爲建建安衆踰十萬至僭造黃紅傘等王曰建居閩嶺上流使賊泚流而下則七部皆血肉矣於是選輕銳航海徑趨福唐擁衆而上福帥迎謁且言賊方銳

宜少休以俟元夕王笑曰吾以元夕凱旋見公矣因酌酒以別師次延平劍潭湍險賊焚橋以拒我師王策馬先浮以濟師遂濟士氣益倍距建寧百里許賊盡塞途路埋巨木爲鹿角散布竹簽鐵蒺藜陷馬坑凡可以旅拒王師者無不用其至王卽命諸軍偃旗仆鼓捨正路俾各擇便利泚山塹溪披踐榛棘遂達郡之鳳凰山繞出賊背下瞰城邑如在井底火樓巨石天梯雲梯百道齊攻汝爲震怖以謂從天而下五日城陷汝爲竄身自焚名臣事實

錦繡萬花谷後集卷之十四

錦繡萬花谷後集卷之十五

父子

公庭展私敬 楊玄感與父素俱為柱國朝會則齊列隋文帝命玄感降一等謝曰不意陛下寵臣之甚許以公庭展私敬 隋史

不書官紙 阮孝緒十餘歲隨父為湘州行事不書官紙以成親之清白

知子莫若父 京兆尹訪蘇瓌既去瓌令男頰詠尹字乃詠曰丑雖有足甲不成身見君無口知伊少人其敏捷如此明皇問瓌草書難其人誰可瓌曰臣不知其他臣男頰為文甚速可備使令授筆立就明皇撫背曰知子莫若父 明皇雜錄

積習名教柳仲郢牛僧孺辟武昌幕府有父風矩僧孺嘆曰非積習名教安及此耶

卿令子朕直臣鄭餘慶子涵為右補闕敢言無所諱憲宗謂餘慶曰卿令子朕直臣也可更相賀本傳

求降外官增父秩孫逖父嘉之逖遷中書舍人嘉之八十猶為令逖求降外官增父秩帝嘉納拜嘉之宋州司馬聽致仕唐史

得書拜讀吳顧愷每得父書常掃洒几筵舒書於上拜跪讀之每句應諾闕畢再拜若父有疾耗之問則臨書垂泣語聲哽咽六帖

世不乏季子吳祐父恢為南海太守祐年十二隨官恢欲殺青簡以寫經書祐諫曰踰越五嶺俗多珍怪土為

國家所疑下為權戚所望此書若成則載之兼兩昔馬援以薏苡興謗王陽以衣囊徼名恢乃止因撫其首曰

吳氏世不乏季子矣本傳

楂何如梨張敷小名楂父劭小名梨宋文帝嘗戲之曰楂何如梨敷曰梨是百果之宗楂何敢比也碎事

門生出迎楊嗣復父於陵嗣復領貢舉時於陵自洛入朝乃率門生出迎置酒第中於陵坐堂上嗣復與諸生坐兩序世以為美六帖

非熊再生顧况字退翁暮年有一子字非熊忽暴亡况哀悼不勝乃作詩曰老人喪愛子日暮淚成血老人年七十不作多時別非熊冥間聞之以情告冥官冥官憫之却令生於况家二歲能言冥間聞父苦吟求再生事

之却令生於况家二歲能言冥間聞父苦吟求再生事

之却令生於况家二歲能言冥間聞父苦吟求再生事

之却令生於况家二歲能言冥間聞父苦吟求再生事

之却令生於况家二歲能言冥間聞父苦吟求再生事

歷歷然長成應舉擢第詩話

倚門居塚趙恂有孝性年五六歲時得甘美之物未嘗獨食必先以哺父父出輒待還而後食過時不還則倚門啼以俟父至數年父沒恂思慕哀號居於塚側鄉族稱孝名聞流著孝子傳

省中見石薛元超轉中書舍人省中有磐石父道衡為侍郎時嘗據以草制元超每見輒泣然流涕六帖

甘棠舊子孫廖齊父爽直嘗為永州刺史齊後遊零陵於民間見父題壁感而成詩曰下馬連聲叩竹門主人何事感遺恩回頭泣向兒童道重見甘棠舊子孫青嶺集

撞破煙樓王魏郎雜箴云家人有嚴君焉井竈之謂也是以父喻井竈故東坡答陳季常書云在定日作松醪

賦一首今寫寄擇等庶以發後生妙思着鞭一躍當撞破煙樓也

詩餘杭洪浩熙寧間遊太學十年不歸父已七十寄浩詩曰太學何蕃久不歸十年甘旨誤庭闈休辭客路三千遠須念人生七十稀腰下雖無蘇子印篋中幸有老萊衣歸期定約春前後免使高堂賦式微浩得詩南歸因而去者十有三焉詩史

破煙樓也

母師魯有九子之寡母穆公賜號曰母師列女傳

埋蛇孫叔敖為小兒出遊見兩頭蛇殺而埋之歸泣白

母曰兒聞兩頭蛇見者必死恐後人見乃埋之母曰爾

行陰德必有陽報德勝不祥又除百禍汝無憂矣叔敖

母師

母子

埋蛇

孫叔敖為小兒出遊見兩頭蛇殺而埋之歸泣白

母曰兒聞兩頭蛇見者必死恐後人見乃埋之母曰爾

行陰德必有陽報德勝不祥又除百禍汝無憂矣叔敖

後為楚相 新序雜事篇

寄鮓孟仁為監魚池司馬自結網捕魚作鮓寄母母還之曰汝為魚官以鮓寄母非避嫌疑也 吳錫

飲酒嘗吐蔡順字召仲有至孝之心少喪父奉養母甘口之物不敢先嘗母至婚家因飲酒變吐順恐中毒乃嘗其吐 先賢傳

傷慈終孝郭巨事繼母至孝家貧產子憂不能字謂其妻曰傷慈以終孝吾無恨也遂葬之 裴子野志畧

投魚寄母杜孝巴郡人也少失父與母居以至孝稱後在成都母喜食生魚孝於蜀截大竹筒盛魚二頭塞之以草呪曰我母必得此因投中流婦出見筒橫來觸岸異而取視有二魚含笑曰此我夫所寄也熟而進之聞

者歎駭 蕭廣濟孝子傳

窺與游知兒貴王珪始隱居時與房元齡杜如晦善母李氏嘗曰兒必貴然未知所與游者何如人試與偕來會玄齡等過其家李窺大驚速具酒食歡盡日喜曰二客公輔才汝貴不疑

與李杜齊名漢大誅黨人范滂母曰汝今得與李杜齊名死亦何恨既有令名復求壽考可兼得乎滂跪受教再拜而辭 李杜李膺杜密也

失母方寸亂徐庶母為曹公所得庶謂劉備曰本欲為明公效愚欸今失母方寸亂矣備遂聽庶降曹公 蜀志

魚躍冰王祥繼親朱氏欲生魚祥解衣將剖冰冰解雙魚躍出又思黃雀炙有數雀飛入幕中 晉書

親尊母與崔邠為太常卿故事太常視事大閱四部樂
都人縱觀邠自第去帽親尊母與公卿見者皆避道都
人榮之六帖

忠孝不並立桓彥範誅二張也初將起事告其母母曰
忠孝不並立義先國家可也唐書

隨時進菓羅威字德仁八歲喪父事母至孝耕耘為業
勤身苦體以奉供養奇菓珍味隨時進前也先賢傳

得瓜未嘗先食殷憚生而謹愿七歲喪父哀號毀悴不
為戲美得瓜果可啖之物懷持進母未嘗先食孝子傳

露集烏翔林攢母亡作塚屋其右有白烏來甘露降觀
察使李若初遣官屬驗實會露晞異失色攢哭曰天所

降露禍我耶俄而露復集烏亦回翔詔作二闕於母墓

前又表其閭時號闕下林家本傳

非母賢不能成子杜棕牧澧陽宏詞李宣古數陪燕飲

戲謔侮慢杜不能容使辱之長林公主出而採之云尚
書不念諸子學文遣易衣而赴中坐長林請為詩冀彌

縫也宣古詩云紅燈初上月輪高照見堂前萬朶桃鬢
栗夜深拋耍令舞來按去使人勞杜公賞之後二子齋

休儒休皆登第人曰非母賢不能成子雲溪友議

兄弟

三世不分財蔡邕與從弟同居三世不分財鄉黨高其

義本傳

兩驥劉正兄弟二人時號兩驥

自出王謝崔湜與弟液澄從兄洌並以文翰居要官每

宴私自比東晉王謝曰吾一門入仕歷官未嘗不爲第
一丈夫當先據要路以制人豈能默默受制於人哉
飲乳輟訟韓思彥巡察劔南兄弟相訟累年不決思彥
令厨宰飲以乳兄弟泣曰公以吾兄弟同乳而生耶乃
請輟訟

問食問衣司馬溫公與其兄伯康友愛尤篤伯康年將
八十公奉之如嚴父保之如嬰兒每食少頃則問曰得
無飢乎天少冷則問曰衣得無薄乎范太史集

大山小山梁何胤爲中書令後去職居會稽若耶山雲
門寺初胤二兄求點並棲遁求先卒至是胤又隱世號
點爲大山胤爲小山本傳

雙珠孟昶與弟顥並美風姿時人謂之雙珠

兩鳳連飛北齊崔陵與弟仲文同日受拜時號兩鳳連
飛

玉昆金友南史琳子銓弟錫銓雖學不及錫而孝行齊
焉時人以銓錫二王可謂玉昆金友矣

大秦君小秦君唐初漢書學太興其章章者若劉伯莊
秦景通兄弟劉訥言皆名家景通與弟暉皆有名精漢
書號大秦君小秦君本傳

小狀元孫僅與兄何齊名有聲場屋何淳化中魁多士
僅下第有詩曰前春再就天街試應被人呼小狀元次
舉中甲科王元之以詩贈曰病中何事忽開顏憶得詩
稱小狀元粉壁已懸龍虎榜錦標爭屬鵲鴿原古今詩話

龍躍雲津晉張華見楮陶謂陸機曰君兄弟龍躍雲津

逢賊爭前死姜肱與弟季江謁郡夜於道逢賊欲殺之

肱兄弟爭前死賊遂兩釋之俱棄衣資六帖

天生羽翼明皇友悌古無有者嘗以書賜弟憲等魏文

帝詩曰西山一何高高高殊無極上有兩僊童不飲亦

不食賜我一丸藥光耀有五色服之四五日身輕生羽

翼朕每言服藥而生羽翼寧如兄弟天生之羽翼乎陳

思王之才足以經國詔其朝謁卒使憂鬱魏祚未終司

馬氏奪之豈神效九耶靈異記

叔姪

濤舒上下晉王湛兄弟宗族皆以為癡兄子濟因共談

易大奇之初武帝見濟輒曰卿家癡叔死未濟無以答

復問濟曰臣叔不癡山濤之下魏舒之上由是顯名本傳

穢我素風晉謝安嘗詣陸納納兄子俶密作食供之納

設茶菓俶下精飯食罷納大怒杖四十曰不能光我叔

父而乃穢我素風

給麻為錢緡唐高宗嘗賜諸王綵五百以滕王蔣王貪

黷但下書曰滕叔蔣弟不須賜但給麻二車助為錢緡

二王大慙本傳

吾家佳子弟王羲之為從伯敦導所器敦嘗謂曰汝是

吾家佳子弟當不減阮主簿

千里駒符朗字文達堅從兄子也堅嘗目之曰此吾家

千里駒晉書

含飯兩頰郗鑒遇永嘉亂窮餒鄉人共食之常携兄子

外甥就食鄉人辭不能兼濟乃獨往含飯於兩頰歸吐

與二子世說

全姪棄兒 鄧攸永嘉亂走檐其兒及弟子綏度不能兩全乃謂妻曰吾弟早亡惟有一息理不可絕應自棄我兒妻泣從之 晉書

分封二百戶 王基封安樂鄉侯上疏求分封二百戶賜叔父子喬爵關內侯以報叔父詔特聽之 魏志

夫婦

蓬首請夫罪 蔡琰字文姬重嫁於董祀祀犯法當死文姬詣曹操請之時賓客滿座操曰蔡伯喈女在外為諸君見之文姬進蓬首徒行請罪音辭清辨旨甚哀痛操乃出祀罪 六帖

斜不若正 黔婁先生卒覆以布被覆頭則足見覆足則

頭見魯西曰斜其被則斂矣妻曰斜之有餘不若正之不足先生生而不斜死而斜之非先生之意 高士傳

相對如賓 常林好學漢末為諸主帶經耕鋤妻自餉之雖在田野相對如賓 三國志

自賦催粧詩 陳嶠孑然無依暮年獲一第還鄉而耳已順矣鄉里以儒家女妻之合卺之夕自賦催粧詩曰彭

祖尚聞年八百陳郎猶是小孩兒聞者絕倒 南部新書

機中織錦 晉竇滔妻蘇氏能屬文符堅時滔坐徙流沙

蘇氏作回文七言詩織錦上以寄滔辭甚清婉又李白詩機中織錦秦川女

比肩人 吳都海鹽陸東美妻朱氏有容止寸步不相離

號曰比肩人後卒合葬處生梓樹同根二身相抱合成

一樹孫權封曰比肩墓後子弘與蘇氏亦相愛慕吳人又呼爲小比肩三異記

佳人難再得荀奉倩妻曹氏有艷色妻嘗病熱奉倩嘗以冷身熨之妻亡歎曰佳人難再得人弔之不哭而傷神未幾奉倩亦卒世說

分鏡陳太子舍人徐德言尚叔寶妹樂昌公主陳政衰謂妻曰國破必入權豪家儻情緣未斷尚冀相見乃破鏡人分其半約他日以正月望日賣於都市及陳亡其妻果爲楊越公得之乃爲詩曰鏡與人俱去鏡歸人未歸無復姮娥影空留明月輝樂昌得詩悲泣不已越公知之愴然召德言還其妻古今詩話

下第登第詩杜羔妻劉氏善詩羔累舉不第將至家妻

先寄詩曰良人的的有奇才何事年年被放回如今妾面羞郎面君若來時近夜來羔見詩卽回去尋登第又寄詩曰長安此去無多地鬱鬱葱葱佳氣浮良人得意

正年少今夜醉眠何處樓南部新書

使君自有婦邯鄲有美女姓秦名羅敷爲邑人王仁妻仁後爲趙王家令羅敷出採桑於陌上趙王登臺見而悅之因飲酒欲奪焉羅敷巧彈箏作陌上桑之歌以自明內有使君自有婦羅敷自有夫之句崔豹古今注

卧牛衣王章爲諸生學長安獨與妻居章疾病無被卧牛衣中與妻訣泣涕其妻呵怒之曰仲卿京師尊貴在朝廷誰踰仲卿者今疾病困厄不自激昂迺反泣涕何鄙也本傳

男子事非女子所知周彬不治財產服膺儒學其妻嘗讓之曰汝家兄弟能力稼穡營已囊箱豐溢汝之不調無思悔畢向何如答曰卿嘗與吾市油數金是亦力穡營已但歲晚必得力及聞先主鎮金陵囊文以往錫賚頗厚以所賜金帛陳列于庭謂婦曰吾昔與卿同營已者今已一成矣比諸伯叔何箇為勝耶妻曰男子之事非女子所能知

江南野史

女蘿草兔絲花君為女蘿草妾作兔絲花百丈託遠松

纏綿成一家李白詩

夢學生男楊國忠出使江浙其妻思念至深忽夜夢與國忠交而有孕後生男名肫至國忠歸具述夢中之事國忠曰此夫妻相念情感所致時人莫不譏笑也天寶遺事

妓妾

紅拂妓李靖謁楊素一妓執紅拂侍側目靖久之靖歸逆旅夜有紫衣戴帽人叩門延入脫衣去帽乃十八九一美人也靖驚詰之告曰妾楊家紅拂妓也絲蘿願托喬木乃與俱適太原

善歌贈束綵寇萊公鎮北門有善歌者至庭公取金鐘獨酌令歌數闋贈之束綵侍兒舊桃自內窺之為詩呈公云夜冷衣單手屢呵幽窓軋軋度寒梭臘天日短不盈尺何似妖姬一曲歌東臯雜錄

鏡湖春色元稹廉問浙東喜官妓劉探春嘗題詩云因循歸未得不是戀鱸魚人注曰戀鏡湖春色耳

老嫗吹篴後魏河間王有婢曰朝雲善吹篴諸羌叛王

今朝雲假爲老嫗吹篴羌皆流涕服降語曰快馬健兒不如老嫗吹篴伽藍記

一曲直千金宮妓求新善歌帝曰此人一曲直千金矣

開元遺事

章臺柳韓翃得妓柳氏既成名留連都下不果迎寄詩曰章臺柳章臺柳往日依依今在否縱使長條似舊時也應攀折他人手

蕭郎是路人崔郊出妾臨行賦詩曰公子王孫逐後塵綠珠垂淚裏羅巾侯門一入深如海從此蕭郎是路人

酉陽雜俎

戲參寥求詩參寥來徐州訪東坡坡席上戲令一妓求詩云多謝樽前窈窕娘好將幽夢惱襄王禪心已作沾

泥絮不逐東風上下狂

大喬小喬周瑜從孫策攻皖得喬公兩女皆國色策自

納大喬瑜納小喬吳志

花月之妖武三思妓素娥有殊色狄梁公請出之忽失

所在於堂奧中聞闌麝芬馥附耳而聽即素娥語曰某

花月之妖帝遣奉公言笑梁公時之正人不敢見六帖

安處是吾鄉王定國嶺外歸出歌者勸東坡酒坡作定

風波序云定國歌兒名柔奴姓宇文氏家住京師定國

南遷歸予問柔廣南風上應是不好柔對曰此心安處

便是吾鄉因爲綴詞云常羨人間琢玉郎天教分付點

酥娘自作清歌傳皓齒風起雪飛炎海變清涼萬里歸

來年愈少微笑笑時猶帶嶺梅香試問嶺南應不好却

道此心安處是吾鄉 東臯雜錄

鸚鵡呼琵琶 蔡持正侍兒名琵琶嘗養一鸚鵡持正每

呼琵琶即叩一響板鸚鵡傳言呼之琵琶卒後誤觸響

猶傳言呼之持正感傷成疾不起嘗為詩云鸚鵡言猶

在琵琶事已非傷心障江水同渡不同歸 侯鯖錄

桃李鏡中開 李白送姪良携二妓赴會稽云遙看二桃

李雙入鏡中開 詩話

詩寓筑字 陳筑登第為福州古田尉至官惑一娼周氏

周能詩曾有詩贈筑曰夢和殘月過樓西月過樓西夢

已迷喚起一聲腸斷處落花枝上鷓鴣啼首句蓋寓筑

字也 夷堅志

句中記姓記事 韓康公上元召從官數人出官妓侍飲

其專寵者曰魯生偶中蜂螫少頃持扇就東坡乞詩詩

中有云魚吹細浪歌搖白舞罷花枝蜂入懷上句記姓

下句記事也 侯鯖錄

蜂蝶慕香 都下名妓楚蓮香國色無雙每出則蜂蝶相

隨慕其香也 天寶遺事

詩落魄 江湖載酒行楚腰纖細掌中情十年一覺揚州

夢贏得青樓薄倖名 杜牧 唱得陽關意外聲舊人惟有

米家榮近來年少輕前輩好染髭鬚事後生 韋應物 春來

無處不閑行楚閨相看別有情好是五更殘酒醒時時

聞喚狀元聲 鄭谷 當年不嫁惜娉婷傳白施朱作後生說

與傍人須早計隨宜梳洗莫傾城 無寶鈿 香娥翡翠袖

粧成掩泣欲行雲慙慙好與襄王道莫向瑤臺夢使君

我帷開見釵影簾動聞劍聲蕭娥翠斂時聞燕語泪珠
彈處見鴻歸多情妾似風花亂薄倖郎如露草晞人情
潤潘郎王不如中庭蕙草雪消初風流才子多春思腸
斷蕭娘一紙書楊生賦蕭娘詩雲慘當歌日松吟欲舞風張正

美人

香兒有女名瓊英以香屑雜食啖之長而肌香因名香

兒 紺珠集

捧心效顰西施病止而顰其里之醜人見而美之歸亦

捧心效顰里人見而走 莊子

回風曲麗娟善歌嘗唱回風曲庭花翻落如深秋洞冥

女相如煬帝御女吳絳僊以紅牋進詩謝帝帝曰絳僊

才調女相如也 南部煙花記

眼色媚人念奴有色善歌宮妓中第一帝嘗曰此女眼

色媚人 開元遺事

一軍驚視李光顏初都統韓弘惡光顏忠力乃飾名姝

教歌舞遣使以遺光顏曰公以君暴露於外恭進侍者

慰君征行之勤光顏大會將校引使者以侍姝至秀曼

都雅一軍驚視光顏曰戰士皆棄妻子蹈白刃柰何獨

以女色為樂為我謝公因嗚咽泣下將卒數萬皆感激

帖

蟬翼鬢魏文帝宮人所愛者有莫瓊樹在側瓊樹始製

為蟬鬢挈之漂渺如蟬翼故號曰蟬鬢 崔豹古今注

飲乳而美侯君集死其家有三美人容色絕代言常不

飯飲人乳而美 嘉話

秀色如瓊花李白秦女行云西門秦氏女秀色如瓊花

青羽裙南極夫人被青羽裙王君內傳

玉筋魏甄后面白淚雙垂如玉筋也六帖

詩三月三日天氣新長安水邊多麗人態濃意遠淑且

真肌膚細膩骨肉勻黼美人奪南國一笑開芙蓉青鏡

理雲髮裴簾出深重韋蘇州雪向淡眉天上女鳳簫鸞翅

欲飛去玉釵翹翠步無塵楚腰如柳不勝春楊此方有

美人絕世而獨立一笑傾人城再笑傾人國傾國與傾

城佳人難再得李延二妃遊江濱道遙順風翔傾城迷

下蔡容好結中腸阮籍蛾眉雙翠羽明眸發清光丹唇翳

皓齒秀韻若珪璋令儀希世出無乃古王嬙首戴金步

搖耳繫明月璫傅美女妖且閑採桑岐路間攘袖見素

手皓腕約金鐶顧盼遺光彩長笑氣若蘭行徒同息駕

休者亦忘餐曹植美目揚玉澤蛾眉象翠翰鮮膚一何潤

秀色若可餐陸機日落登雍臺佳人殊未來綺窓蓮花掩

洞戶琉璃開吳均簪玉出北房鳴金步南階謝惠注口櫻

桃小添眉柳葉濃由來紫宮女共妬青蛾眉李畫明

金冉冉箏語玉纖纖溫庭愁機懶織同心苣悶繡先描

連理枝

錦繡萬花谷後集卷之十五

卷之十五

十四

後

